

## Fundargerð 322. fundar sveitarstjórnar Flóahrepps

**Fundarstaður:** Þingborg og í beinu streymi  
**Fundardagur:** fimmtudagur 26. júní 2025  
**Fundartími:** 9:00-10:00  
**Fundarmenn:** Árni Eiríksson, oddviti  
Hulda Kristjánsdóttir, sveitarstjóri  
Walter Fannar Kristjánsson  
Harpa Magnúsdóttir  
Hjalti Guðmundsson

Árni Eiríksson oddviti setti fund, bauð fundargesti velkomna og leitaði athugasemda við fundarboð. Engar athugasemdir gerðar. Hulda Kristjánsdóttir ritaði fundargerð.

### 1. Fundargerðir skipulagsnefndar

**Nr. 304, dags. 13.06.2025:**

#### a) Stóra-Ármót L166274; Stækkun íbúðarbyggðar; Aðalskipulagsbreyting - 2408030

Lögð er fram tillaga aðalskipulagsbreytingar, eftir auglýsingu, vegna aðalskipulags Flóahrepps 2017-2029 í samræmi við 1. mgr. 36. gr. skipulagslaga nr. 123/2010. Svæðið sem breytingin nær til er úr landi Stóra-Ármóts L166274. Áætlað er að stækka 9 ha íbúðarbyggð um 4 ha og fjölga lóðum úr 7 í 10, um 1,3 ha hver lóð. Svæðið er skilgreint sem íbúðarbyggðarsvæði ÍB4 í gildandi aðalskipulagi. Landbúnaðarland minnkar sem nemur breytingunni. Nýtt deiliskipulag er lagt fram til samþykktar samhliða breytingu aðalskipulags. Umsagnir bárust á auglýsingatíma og eru þær lagðar fram við afgreiðslu málsins.

*Skipulagsnefnd UTU mælist til þess við sveitarstjórn Flóahrepps að samþykkja breytingu á aðalskipulagi eftir auglýsingu. Engar athugasemdir bárust á auglýsingatíma skipulagsbreytingarinnar og er að mati skipulagsnefndar með fullnægjandi hætti tekið tillit til umsagnar innan gagna breytingarinnar og innan deiliskipulags sem hefur verið samþykkt eftir auglýsingu sem tekur til sama svæðis. Nefndin mælist til þess við sveitarstjórn að óskað verði eftir því við Skipulagsstofnun að aðalskipulagsbreytingin taki gildi með birtingu auglýsingar í B-deild Stjórnartíðinda í samræmi við 3. mgr. 32. gr. skipulagslaga nr. 123/2010.*

Sveitarstjórn Flóahrepps samþykkir framlagða tillögu aðalskipulagsbreytingar, eftir auglýsingu, vegna aðalskipulags Flóahrepps 2017-2029 í samræmi við 1. mgr. 36. gr. skipulagslaga nr. 123/2010 og óskar eftir því því við Skipulagsstofnun að aðalskipulagsbreytingin taki gildi með birtingu auglýsingar í B-deild Stjórnartíðinda í samræmi við 3. mgr. 32. gr. skipulagslaga nr. 123/2010.

Engar athugasemdir bárust á auglýsingatíma skipulagsbreytingarinnar og er að mati sveitarstjórnar með fullnægjandi hætti tekið tillit til umsagnar innan gagna breytingarinnar og innan deiliskipulags sem hefur verið samþykkt eftir auglýsingu sem tekur til sama svæðis. Svæðið sem breytingin nær til er úr landi Stóra-Ármóts L166274.

Samþykkt með 5 atkvæðum.

#### b) Súluholt L166385; Súluholt 2D, 2E, 2F 4 og Súluholt Tungur; Stofnun lóða - 2506020

Lögð er fram umsókn ásamt undirritaðri merkjalýsingu dags. 28.05.2025, skv. reglugerð um merki fasteigna 160/2024, er varðar stofnun nýrra landeigna. Óskað er eftir að stofna 5 lóðir úr landi Súluholts L166385. Þrjár þeirra, Súluholt 2D, 2E og 4, eru undir þegar byggð mannvirki. Engin mannvirki eru innan Súluholt 2F og Súluholt Tungur.

*Skipulagsnefnd UTU gerir ekki athugasemd við stofnun lóðanna skv. framlagðri merkjalýsingu. Skipulagsnefnd mælist til að sveitarstjórn Flóahrepps samþykki erindið. Skipulagsnefnd UTU bendir á að framkvæmdir innan lóðar eru að jafnaði háðar gerð deiliskipulags sem tekur til svæðisins.*

Sveitarstjórn Flóahrepps samþykkir stofnun 5 lóða úr landi Súluholts L166385 skv. framlagðri merkjalýsingu. Sveitarstjórn bendir á að framkvæmdir innan lóðar eru að jafnaði háðar gerð deiliskipulags sem tekur til svæðisins.

Samþykkt með 5 atkvæðum.

**Nr. 305, dags. 25.06.2025:**

**a) Skálmholt land C1 L219652; Skipting lóðar; Fyrirspurn – 2506032**

Lögð er fram fyrirspurn sem tekur til Skálmholts lands C1 L219652 í Flóahreppi.

Fyrirhugað er að skipta lóðinni sem er 9.5 ha að stærð í þrennt og byggja allt að 175 fm einbýlishús og 100 fm skemmu á hverri lóð.

*Sambærileg fyrirspurn var lögð fram sem tekur til Skálmholts land C sem afgreidd var í sveitarstjórn í lok maí þar sem ekki var gerð athugasemd við uppskiptinug lands C í tvær lóðir. Í bókun sveitarstjórnar vegna málsins var landeigandi hvattur til að vinna deiliskipulag sem tekur til landsins í heild sem tekur m.a. til skilgreiningar á lóðum, byggingarreitum, vatnsöflun, fráveitu, minjaskráningu, aðkomu og almennra byggingarheimilda innan svæðisins. Nefndin gerir ekki athugasemdir við framlagða fyrirspurn en mælist þó til þess við sveitarstjórn Flóahrepps að krafa verði gerð um að uppbygging á svæðinu verði háð því að svæðið í heild þ.e. land Skálmholts A, B, C og D verði deiliskipulagt í einu lagi eða að öðrum kosti verði horft til svæðisins í heild þegar unnið verði að stakstæðum skipulagsáætlunum innan þess. Við heildarendurskoðun aðalskipulags telur nefndin jafnframt ástæðu til að taka afstöðu til þess hvort landnotkun landsins í formi landbúnaðarlands samræmist áætlunum landeiganda um uppskiptingu landsins eða hvort að eðlilegra væri að skilgreina landið sem íbúðabyggð. Landið sem um ræðir flokkast ýmist til landbúnaðarlands í flokki II eða III. Nokkrar takmarkanir eru á uppbyggingu á landbúnaðarlandi í flokki II samkvæmt stefnumörkun aðalskipulags og þarf því að horfa til þess við skipulagningu landsins að hugsanleg landbúnaðarnýting þess verði ekki skert innan deiliskipulags eða með breytingum á aðalskipulagi.*

Sveitarstjórn Flóahrepps gerir ekki athugasemdir við framlagða fyrirspurn sem tekur til Skálmholts land C1 L219652. Í fyrirspurn er tekið fram að fyrirhugað er að skipta lóðinni sem er 9.5 ha að stærð í þrennt og byggja allt að 175 fm einbýlishús og 100 fm skemmu á hverri lóð. Í ljósi þess að sambærileg fyrirspurn var afgreidd af sveitarstjórn 20.05.2025 vegna Skálmholts land C L219650 þá gerir sveitarstjórn kröfu um að uppbygging á svæðinu verði háð því að svæðið í heild þ.e. land Skálmholts A, B, C og D verði deiliskipulagt í einu lagi eða að öðrum kosti verði horft til svæðisins í heild þegar unnið verði að stakstæðum skipulagsáætlunum innan þess. Við heildarendurskoðun aðalskipulags telur sveitarstjórn jafnframt ástæðu til að taka afstöðu til þess hvort landnotkun landsins í formi landbúnaðarlands samræmist áætlunum landeiganda um uppskiptingu landsins eða hvort að eðlilegra væri að skilgreina landið sem íbúðabyggð. Landið sem um ræðir flokkast ýmist til landbúnaðarlands í flokki II eða III. Nokkrar takmarkanir eru á uppbyggingu á landbúnaðarlandi í flokki II samkvæmt stefnumörkun aðalskipulags og þarf því að horfa til þess við skipulagningu landsins að hugsanleg landbúnaðarnýting þess verði ekki skert innan deiliskipulags eða með breytingum á aðalskipulagi.

Samþykkt með 5 atkvæðum.

**b) Loftsstaðir-Vestri L165512; byggingarheimild; skemma – 2503060**

Erindi sett að nýju fyrir fund. Móttekin var umsókn þann 16.01.2025 um

byggingarheimild fyrir 250 fm skemmu á jörðinni Loftsstaðir-Vestri L165512 í

Flóahreppi. Athugasemdir bárust við grenndarkynningu og er málið því lagt fram að nýju eftir grenndarkynningu ásamt uppfærðum gögnum og umsögn MÍ vegna könnunarskurða sem mokaðir voru á staðnum.

*Skipulagsnefnd UTU tekur undir áhyggjur og athugasemdir nágranna er varðar hugsanlega skerðingu á útsýni frá íbúðarhúsi að Eystri-Loftsstöðum 2 auk þess sem Minjastofnun telur ástæðu til að finna skemmunni annan stað út frá mannvistarleyfum sem finna má á svæðinu sem um ræðir í takt við umsögn þess efnis. Að mati nefndarinnar er nægt landrými innan jarðar Loftsstaða-Vestri til að byggja umsóttu skemmu án þess að nágrannar þurfi að verða fyrir grenndaráhrifum eða raska þurfi minjasvæðum. Auk þess bendir nefndin á að staðsetning hússins er á úrvals landbúnaðarlandi. Mælist nefndin til þess við sveitarstjórn Flóahrepps að byggingarheimild verði synjað í núverandi mynd.*

Sveitarstjórn Flóahrepps synjar byggingarheimild fyrir 250 fm skemmu á jörðinni Loftsstaðir-Vestri L165512 í núverandi mynd. Sveitarstjórn tekur undir áhyggjur og athugasemdir nágranna er varðar hugsanlega skerðingu á útsýni frá íbúðarhúsi að Eystri-Loftsstöðum 2 auk þess sem Minjastofnun telur ástæðu til að finna skemmunni annan stað út frá mannvistarleyfum sem finna má á svæðinu sem um ræðir í takt við umsögn þess efnis. Sveitarstjórn telur vera nægt landrými innan jarðar Loftsstaða-Vestri til að byggja umsóttu skemmu án þess að nágrannar þurfi að verða fyrir grenndaráhrifum eða raska þurfi minjasvæðum. Auk þess bendir sveitarstjórn á að staðsetning hússins er á úrvals landbúnaðarlandi.

Samþykkt með 5 atkvæðum.

**c) Hnaus 2 L225132; Mosató 3 L225133; Breytt byggingarmagn og ný lóð;**

**Deiliskipulagsbreyting – 2506071**

Lögð er fram tillaga óverulegrar breytingar á deiliskipulagi fyrir Hnaus 2 L192333 í Flóahreppi. Í breytingunni felst að byggingarreit innan lóðar Mosató 3 L225133 er hnikað til, smáhýsi eru felld út innan lóðar og byggingarmagn eykst en það er að stærstum hluta neðanjarðar og ekki sýnileg bygging. Einnig bætist við ný lóð, Mosató 10 þar sem gert er ráð fyrir allt að 500 fm íbúðarhúsi á tveimur hæðum.

*Að mati skipulagsnefndar fellur ný lóð Mosató 10 innan skilgreinds skógræktarsvæðis samkvæmt aðalskipulagi. Að mati nefndarinnar er tillagan því ekki í samræmi við stefnumörkun aðalskipulags eða óverulega breytingu aðalskipulags sem nú er í ferli á svæðinu. Mælist nefndin til þess við sveitarstjórn að afgreiðslu málsins verði frestað. Að mati nefndarinnar er ástæða til að taka skipulag svæðisins til heildarendurskoðunar með þeim hætti að nýtt deiliskipulag verði unnið sem taki til verslunar- og þjónustusvæðis að Mosató 3. Samhliða þurfi að taka til skoðunar hvort að þörf er á verulegri breytingu á aðalskipulagi Flóahrepps sem tekur til verslunar- og þjónustusvæðis, skógræktarsvæða og íbúðar- og frístundasvæða.*

Sveitarstjórn Flóahrepps samþykkir að fresta afgreiðslu framlagðrar tillögu óverulegrar breytingar á deiliskipulagi fyrir Hnaus 2 L192333 þar sem ný lóð Mosató 10 fellur að mati sveitarstjórnar innan skilgreinds skógræktarsvæðis skv. aðalskipulagi sveitarfélagsins. Sveitarstjórn felur skipulagsfulltrúa að vinna málið áfram með landeigendum.

Samþykkt með 5 atkvæðum.

**d) Eystri-Loftsstaðir L2277151; Íbúðarhús og útihús; Deiliskipulag – 2411042**

Lögð er fram tillaga að nýju deiliskipulagi sem tekur til Eystri-Loftsstaða 6 L227151 í Flóahreppi. Í deiliskipulaginu felst að 6.395 fm byggingarreitur er skilgreindur. Þar er heimilt að reisa íbúðarhús og tvö aukahús s.s. gróðurhús og hesthús/geymslu/skemmu. Einnig er heimilt að reisa 3 lítill útleiguhús sem eru 35-40 fm hvert, fyrir allt að 10 gesti. Byggingarmagn á lóðinni má vera allt að 800 fm. Aðkoma er frá Villingaholtsvegi nr. 305 og verður lagður vegur að lóðinni á milli lóðanna Fornabæjar og Eystri-Loftsstaða 8. Skipulagsnefnd UTU mælist til þess við sveitarstjórn Flóahrepps að deiliskipulagið verði samþykkt og að það verði auglýst á grundvelli 41. gr. skipulagslaga nr. 123/2010 þar sem allar meginforsendur liggi fyrir innan aðalskipulags sveitarfélagsins. Framlagt deiliskipulag verði sérstaklega kynnt lóðarhöfum aðliggjandi landeigna.

Sveitarstjórn Flóahrepps samþykkir framlagt deiliskipulag sem tekur til Eystri-Loftsstaða 6 L227151 og að það verði auglýst á grundvelli 41. gr. skipulagslaga nr. 123/2010 þar sem allar meginforsendur liggi fyrir innan aðalskipulags sveitarfélagsins. Framlagt deiliskipulag verði sérstaklega kynnt lóðarhöfum aðliggjandi landeigna.

Samþykkt með 5 atkvæðum.

**e) Súluholt L166385; Efnistaka; Framkvæmdarleyfi - 2506070**

Lögð er fram umsókn um framkvæmdaleyfi sem tekur til Súluholts L166385 í Flóahreppi. Í framkvæmdinni felst grjótnám í Súluholtsnámu til að nota við nýja Ölfusárbrú og vegagerð því tengt. Fyrirhugað er að taka grjót á tveimur stöðum í námunni, um 50.000 m<sup>3</sup> á hvorum stað.

*Skipulagsnefnd UTU mælist til þess við sveitarstjórn Flóahrepps að útgáfa framkvæmdaleyfis fyrir efnistöku að 50.000 m<sup>3</sup> innan námu E13 verði samþykkt á grundvelli 13. gr. skipulagslaga nr. 123/2010. Að mati skipulagsnefndar er ekki heimild fyrir meiri efnistöku á svæðinu en sem nemur 50.000 m<sup>3</sup> samkvæmt stefnumörkun aðalskipulags. Mælist nefndin til þess að námuhafa verði gert að hefja vinnu við stækkun og endurskoðun efnistöku og efnislosunarsvæðisins í aðalskipulagi Flóahrepps vegna áframhaldandi efnistöku og efnisflutnings inn á svæðið. Samhliða mælist nefndin til þess að unnin verði tilkynningarskýrsla á grundvelli laga nr. 111/2021 vegna mats á umhverfisáhrifum sem tekur til framtíðaráætlana um efnistöku- og efnislosun á svæðinu. Ef þær áætlanir gera ráð fyrir því að raska 25 ha svæði eða stærra og/eða ef efnismagn fer yfir 500.000 m<sup>3</sup> telst efnistakan sjálfkrafa háð mati á umhverfisáhrifum.*

Sveitarstjórn Flóahrepps samþykkir útgáfu framkvæmdaleyfis fyrir efnistöku allt að 50.000 m<sup>3</sup> innan námu E13 á grundvelli 13. gr. skipulagslaga nr. 123/2010 með eftirfarandi fyrirvörum og skilyrðum:

- Efnistaka er heimil innan svæðisins allt að 50.000 m<sup>3</sup>. Efnistaka umfram það samræmist ekki stefnumörkun aðalskipulags sveitarfélagsins.
- Umsógn Vegagerðarinnar skal liggja fyrir vegna aukins álags og áhrifa þungaflutninga á Önundarholtsveg nr 311 og vegna vegtenginga námunnar við veginn.
- Framkvæmdaaðili skal leggja fram tímasetta áætlun um efnistöku og gera grein fyrir lokun námunnar að henni lokinni.
- Framkvæmdaaðila verði gert að halda Önundarholtsvegi nr. 311, sem liggur frá Gaulverjabæjarvegi (33-01) að efnistökusvæðinu, í sambærilegu ástandi og hann er í dag og sinna viðeigandi viðhaldi á honum í eðlilegu samráði við Vegagerðina á meðan á efnistöku stendur, umfram það sem getur talist eðlilegt slit vegna daglegrar umferðar um veginn. Horfa skuli til yfirborðs vegar og rykbindingar framhjá íbúðarhúsum við veginn til að takmarka rykmengun og óþægindi vegna starfseminnar.
- Framkvæmdaaðila verði sett skilyrði um eðlilegan daglegan starfstíma við efnistöku til að takmarka ónæði og óþægindi íbúa sem búa í nálægð við efnistökusvæðið.
- Eftir að efnistöku er lokið verði svæðinu lokað með viðeigandi hætti, nánar verði gert grein fyrir því innan áætlunar framkvæmdaaðila um efnistöku og lokun námunnar að henni lokinni.
- Geymsla mengandi efna s.s. olíu, umfram það sem er á vélum tengdum efnistökkunni hverju sinni er óheimil innan svæðisins.
- Geymsla annars tækjabúnaðar en þess sem tengist efnistökkunni er óheimil innan svæðisins.

Sveitarstjórn ítrekar að framkvæmdaleyfið skuli eingöngu ná til efnistöku allt að 50.000 m<sup>3</sup> og fellst því ekki á efnistöku á tveimur stöðum í námunni, um 50.000 m<sup>3</sup> á hvorum stað eins og sótt er um. Sveitarstjórn beinir þeim tilmælum til námuhafa að hefja vinnu við stækkun og endurskoðun efnistöku og efnislosunarsvæðisins í aðalskipulagi Flóahrepps vegna áframhaldandi efnistöku og efnisflutnings inn á svæðið. Samhliða verði unnin tilkynningarskýrsla á grundvelli laga nr. 111/2021 vegna mats á umhverfisáhrifum sem tekur til framtíðaráætlana um efnistöku- og efnislosun á svæðinu. Ef þær áætlanir gera ráð

fyrir því að raska 25 ha svæði eða stærra og/eða ef efnismagn fer yfir 500.000 m<sup>3</sup> telst efnistakan sjálfkrafa háð mati á umhverfisáhrifum.

Sveitarstjórn felur skipulagsfulltrúa jafnframt að skoða við vinnslu málsins hvort skilgreind náma E13 í aðalskipulagi liggi beggja vegna Önundarholtsvegur nr. 311. Ekki er um sama landnúmer að ræða eða sömu landeigendur.

Samþykkt með 5 atkvæðum.

**f) Hnaus 2 L192333; Mosató 7 L232388 og Mosató 8 L232289; Rekstrarleyfi í flokki II; Deiliskipulagsbreyting – 2504076**

Lögð er fram, eftir grenndarkynningu, umsókn sem tekur til breytinga á skilmálum deiliskipulags fyrir Hnaus 2, frístundabyggð. Í breytingunni felst að heimilt verði að stunda rekstrarleyfisskylda útleigu í flokki II innan svæðisins. Athugasemdir bárust við grenndarkynningu og eru þær lagðar fram við afgreiðslu málsins.

*Í ljósi framlagðra athugasemda sem bárust frá aðilum innan skipulagssvæðisins mælist nefndin til þess við sveitarstjórn Flóahrepps að breytingu á deiliskipulagi eftir grenndarkynningu verði synjað.*

Sveitarstjórn Flóahrepps synjar umsókn um breytingu á skilmálum deiliskipulags fyrir Hnaus 2, frístundabyggð þar sem sótt er um að heimilt verði að stunda rekstrarleyfisskylda útleigu í flokki II innan svæðisins. Synjun sveitarstjórnar byggist á athugasemdum frá aðilum innan skipulagssvæðisins er bárust við grenndarkynningu málsins.

Samþykkt með 5 atkvæðum.

**g) Ferjunes 2 land 2 L213234; Ferjunes 4; Stofnun lóðar - 2501072**

Lögð er fram umsókn ásamt merkjalýsingu dags. 19.06.2025, skv. reglugerð um merki fasteigna 160/2024, er varðar stofnun nýrrar landeignar. Óskað er eftir að stofna 892,9 fm lóð, Ferjunes 4, úr landi Ferjunes 2 land 2 L213234. Aðkoma er frá innkeyrslu upprunals eins og sýnd er í meðfylgjandi merkjalýsingu.

*Skipulagsnefnd UTU gerir ekki athugasemd við afmörkun lóðarinnar skv. framlagðri merkjalýsingu. Skipulagsnefnd mælist til að sveitarstjórn Flóahrepps samþykki erindið. Skipulagsnefnd UTU bendir á að framkvæmdir innan lóðar eru að jafnaði háðar gerð deiliskipulags sem tekur til svæðisins.*

Sveitarstjórn Flóahrepps samþykkir stofnun nýrrar landeignar skv. framlagðri merkjalýsingu. Um er að ræða 892,9 fm lóð, Ferjunes 4, úr landi ferjunes 2 land L213234. Sveitarstjórn bendir á að framkvæmdir innan lóðar eru að jafnaði háðar gerð deiliskipulags sem tekur til svæðisins.

Samþykkt með 5 atkvæðum.

**2. Afgreiðslur byggingarfulltrúa nr. 228, dags. 04.06.2025 og nr. 229, dags. 18.06.2025**

Lagðar fram til kynningar.

**3. Erindi frá Tónlistarskóla Árnesinga - Ósk um fjölgun kennslustunda frá ágúst 2025**

Fyrir liggur erindi frá á Tónlistarskóla Árnesinga þar sem óskað er eftir aukinni tónlistarkennslu í Flóahreppi frá ágúst 2025. Óskað er eftir því að kennslustundum í Flóahreppi fjölgi um 3-4 klst á viku til viðbótar þeirri aukningu sem sveitarstjórn samþykkti í janúar 2025. Aðeins er greitt fyrir þær kennslustundir sem nýtast.

Sveitarstjórn Flóahrepps samþykkir að auka vikulegar kennslustundir hjá Flóahreppi um allt að 4 klst. á viku ef á þarf að halda á árinu eða allt að 27,5 kennslustundir á viku. Brugðist verði við með viðauka við fjárhagsáætlun eins og við á.

Samþykkt með 5 atkvæðum.

**4. Erindi frá Félagi atvinnurekenda**

Fyrir liggur erindi frá Félagi atvinnurekenda sem sent var á sveitarstjórnir í landinu og stjórn Sambands íslenskra sveitarfélaga. Í erindinu eru sveitarfélög hvött til að lækka álagningarprósentu fasteignaskatta á atvinnuhúsnæði. Einnig fylgir erindinu skýrsla starfshóps sem gerði úttekt á grunni álagningar á fasteignir með það að markmiði að leita leiða til að einfalda og bæta kerfið og auka fyrirsjáanleika án þess að draga úr tekjum sveitarfélaga. Sveitarstjórn Flóahrepps þakkar innsent erindi og vísar því til vinnslu fjárhagsáætlunar ársins 2026.

Samþykkt með 5 atkvæðum.

## 5. Fundargerðir

- a) Sveitarstjórnar Flóahrepps nr. 321, dags. 03.06.2025
- b) Fræðslunefndar Flóahrepps nr. 159, dags. 27.05.2025  
Varðandi lið 5 um skóladagatöl Flóaskóla og Krakkaborgar þá gerir sveitarstjórn athugasemd við að á leikskóladagatali Krakkaborgar eru skráningardagar á Þorláksmessu, daginn eftir sumardaginn fyrsta og daginn eftir uppstigningardag og er það ekki í samræmi við bókun sveitarstjórnar frá 07.05.2024 varðandi ákvörðun um skráningardaga í leikskólanum og ekki liggur fyrir formlegt samþykki sveitarstjórnar fyrir dögunum. Sveitarstjórn samþykkir leikskóladagatal með þeim fyrirvara að þessir þrír ofangreindu skráningardagar verði teknir út.  
Að öðru leiti gerir sveitarstjórn ekki athugasemdir við skóladagatöl leik- og grunnskóla.  
Samþykkt með 5 atkvæðum.  
Varðandi lið 8 um skólaakstur 2025-2026 þá tekur sveitarstjórn undir ábendingar um samgöngur sem skólabílstjórar hafa komið með og fræðslunefnd tekur undir.  
Sveitarfélagið á í miklum samskiptum við Vegagerðina og varðandi ýmsa þætti sem snúa að ástandi vegakerfisins og öryggismála. Sveitarstjórn felur sveitarstjóra að koma ábendingum skólabílstjóra og fræðslunefnd áfram á Vegagerðina.  
Samþykkt með 5 atkvæðum.
- c) Aðalfundar Flóaáveitunnar dags. 03.06.2025 ásamt ársreikningum 2022, 2023 og 2024
- d) Stjórnar samþykki orkusveitarfélaga nr. 85, dags. 19.05.2025 og nr. 86, dags. 23.05.2025
- e) Stjórnar Sambands íslenskra sveitarfélaga nr. 980, dags. 27.05.2025, nr. 981, dags. 13.06.2025 og nr. 982, dags. 16.06.2025
- f) Ársfundar Brákar íbúðafélags hses. dags. 11.06.2025
- g) Framkvæmdastjórnar Héraðsnefndar Árnesinga nr. 30, dags. 22.04.2025 og nr. 31 dags. 03.06.2025
- h) Samráðsfundar Vegagerðarinnar og Flóahrepps dags. 27.05.2025
- i) Flóahrepps og Vegagerðarinnar vegna hringveggar (1) Þjórsá-Selfoss dags. 22.05.2025

## 6. Efni til kynningar

- a) Hreinsunardagar 12.-17. maí - kostnaður Flóahrepps
- b) Frá Vinum íslenskrar náttúru - Skipulag skógræktar - leiðbeiningar um val á landi til skógræktar
- c) Frá Stjórn Samþykki orkusveitarfélaga - Umsögn um áform um skattlagningu orkumannvirkja
- d) Mennta- og barnamálaráðuneytinu - Auglýst eftir umsóknum frá sveitarfélögum um styrki í þágu farsældar barna
- e) Frá Mennta- og barnamálaráðuneytinu - Samkomulag milli ríkisins og sveitarfélaga um ábyrgð á rekstri og kostnaði vegna búsetu barna með fjölþættan vanda sem vistuð eru utan heimilis
- f) Frá Húsnæðis- og mannvirkjastofnun - Opið fyrir umsóknir um stofnframlög
- g) Frá Eignarhaldsfélagi Suðurlands hf. - Aðalfundur 4. júlí 2025
- h) Frá Innviðaráðuneytinu - Innviðaðing 28. ágúst 2025
- i) Næsti fundur sveitarstjórnar verður þriðjudaginn 15. júlí kl. 9:00 í Þingborg en á 321. fundi sveitarstjórnar samþykkti sveitarstjórn að fella niður reglulegan fund 1. júlí.

Árni Eiríksson (sign)  
Walter Fannar Kristjánsson (sign)  
Hjalti Guðmundsson (sign)

Hulda Kristjánsdóttir (sign)  
Harpa Magnúsdóttir (sign)